

奏

湖廣總督臣裕泰
湖北巡撫臣趙炳言 跪

奏為湖北崇陽縣匪徒聚眾滋擾攻入縣城搶劫
倉庫監獄網縛縣官派委文武大員先往兜拏
並臣裕泰亦即起程馳赴督辦由驛恭摺具

奏仰祈

聖鑒事竊臣等於十二月十四十五等日據武昌府

知府明峻署蒲圻縣知縣蕭蔭恩先後稟報該
府前往蒲圻縣查勘堤工途次接據崇陽縣師
長治稟稱上年前縣折錦元任內有刁徒鍾人
杰等聚眾拆毀有怨之家房屋挾制官長改立
錢糧章程一案屢經飭拏未獲十二月初十日
亥刻風聞鍾人杰等因查拏嚴緊疑係其戚蔡
紹勳主使即糾眾將蔡紹勳房屋放火燒燬並
欲入城拆毀原告金兩儀房屋殺害蔡紹勳該
府正往查拏間復於十四日辰刻據崇陽縣知
縣師長治之子師世傑來蒲面稟該匪等黨羽
甚多已於十二日夜攻入縣城搶劫倉庫監獄
拒殺家丁並將伊父師長治綑綁伊將印信齎

送前來各等情據此臣等接閱之下不勝駭異
查崇陽縣地處山陬鍾人杰前因包庇程中和
挖煤圖利擬徒配逃查拏未獲縱因與民人挾
有夙嫌欲圖報復何至聚眾入城搶劫監獄倉
庫拒捕網官種種狂悖殊堪髮指並恐別有釁
端或另有為首之人該縣辦理不善所致均未

可定亟須嚴拏懲辦以伸

國法當即飭委

OMITTED TEXT

於拜摺後即行起程前

往相機督辦總期處以鎮靜並出示曉諭使附和之人先行解散將滋事匪徒尅日悉數擒獲究明起釁根由何人為首盡法痛懲斷不敢稍涉張皇致滋擾累除飛飭鄰封各州縣暨移咨江西湖南各撫臣飭屬一體協拏防堵以免竄越外所有臣裕泰親往督辦緣由理合由驛恭摺具

奏伏乞

皇上聖鑒再臣裕泰省署日行事件照例檄委藩司劉體重代行代印其緊要事件仍包封遞至途次由臣自行查辦合併陳明謹

奏

另有旨

道光二十一年十二月

十六

日